

Arrpa' anaret' allohuen allpon derechos ñeñt' e' ñe po' ñoch yocop ñeñt'cha' atet' yepa'yena allohueney acheneshay ama't erraparen arr patsro

Ahuat' añ fecha 10 de diciembre 1948 ñeñt' Asamblea General de las Naciones Unidas, ñetpa' quellquët ora allpon derechos ñeñt' e' ñe po' ñoch yocop allohuenacpay acheneshay ama't erraparen arr patsro. Allochñapa' orrtachet añ ñoñets ñeñt' atet' anaret' derechos; ñeñt'pa' ñeñt'ara orrtetsa arr añ papillo. Allempo o' orrtachet añ papell' ñapa' otyesan ora allohuen anetsoch'no ñeñt' orrtatene Naciones Unidas, torretepa' attoch epa'hua añ ñoñets erraparen arr patsro. Orrtachetepa' erracmañen allcha' lleya'yaset ora allpon pa'namen acheneshay' arr patsro. Ñama yechatyesetepa' añ derechos ora allpon escuelach'no ñama ora allohuen anetsoch'no ama't erroteneta po' gobiernoret.

Ñeñt' ñanom

Yapa' yeñoteñ ñerra'm yemneñ o' ch yeychena e' ñe cohuen añe patsro, ama yemneñe o' ch eñalleta ñeñt'cha' yepatare'tene' ñeñt' yoc'ten ya; ñamia ñeñt'cha' ya'mcha'nochtana'tenaya ama yemneñe o' ch orrta.

Ñerra'm yemneñ o' ch e' ñe pocte' es yepanna'ta ñama ñerra'm yemneñ o' ch e' ñe cohuen mueche't' yeychena añe patsro, añ poctetsa o' ch yeñotua. Atto ye'ñalletyesa arr patsro e' ñe attecma cohuen yesherb'a'yen allohueney ñeñt'ey yecha'yetsa añe patsro, amach eñalle ñeñt' atsenatpo' entenet.

Ñama allohuenacpay ñeñt'ey arromñatey e' ñe attecma eñall' ñeñt' otenet derechos ñeñt'cha' e' ñe cohuen yocshatene' añe patsro. Ñeñt'pa' ama't eseshapa' amach puerratamperryeto ama't errponaña. Tarraña yeñoteñ ahuañoteñ ñerra'm esempo acheneshay'pa' ama esoye eñchete'te añ derechos, ñetpa' erroñuanen pa'yese't' po'potantañ ñeñt' tsena'tenet. Ñeñt'pa' yeñoteñ yeyochro ama apapahuoyaye. Ñama yeñoteñ añ atarr cohuen allohuenacpay ñerra'm chap allempo allohueney e' ñe cohueno'tsa'yeney arr patsro. Tarro'mar ñerra'm ateñ yocsha'yena arr patsro amach es ya'mcha' - nochtana'tenaye, amach eñalle ñeñt'cha' yemuerochtatenet'. Ama't allempo es yeños po' poñ ñeñt' cohuen yenten ya, amach eñalle ñeñt'cha' yote' eso'marte' peñen po' poñ coñapñats. Ñerra'm yapa' yame'ña po' poñ ñeñt' cohuen yenten ya amach eñalle ñeñt'cha' yepatare'tene'.

Ñeñt' o'mar yeñoteñ e' ñe pocte' o' ch yene' ñoñets attoch yeñotatanna'tyena ora allpon añ derechos attoch allohueney e' ñeñt' cohuen yentannena allochñapa' amach eñalle achen' ñeñt' amuerochtatareñtetsa. Allochñapa' amach orrtateneto atparñats ñeñt' ateñ amuerochtatareñtetenet.

Ñama yeñoteñ e' ñe pocte' e' ñeñt' cohuen yamo'tstannena po' poñ acheneshay' ñeñt' yecha'yetsa po' poñ anetso'mar arr patsro.

Ñama yeñoteñ allohuen allpon pa'namen anetso'marnesha' ñeñt' orrtatene ñeñt' otenet Naciones Unidas, ñetpa' ñeñt'a e' ñe cohuen entenet ñet. Neñto'mar ñet nenet ñoñets all quellco atto allohueney arromñatey ñeñt'ey eñalletyetsa arr patsro e' ñeñt' attecma cohuen yesherb'a'yen ñama allohuenacpay attecma eñall' ñeñt' otenet derechos attoch e' ñe cohuen yocsha'yena arr patsro allohueney ama't coyaneshohuen. Ñeñt' o'mar ñetpa' añ e'nenet o' ch orrtatenet ñeñt' cohuen sherbets allohuenacpay acheneshay arr patsro. Allochñapa' attoch allo'na yesen yenpanna'tnomtsa attoch yocsha'yena e' ñe cohuen arr patsro o' ch yechyen ñeñt' yepallta'yena ñama amach eñalle ñeñt' añcha'nochtana'tenaye, e' ñeñt' cohueno'tsa'yeney.

Ñama yeñoteñ allohuen pa'namen anetso'marnesha' ñeñt' orrtatene' Naciones Unidas ñetpa' net po' ñoñ attoch torra'yaset attoch ame'ñachet allohuen acheneshay' ñeñt' erraparo'tsa'yenet añ patsro, allochñapa' attoch e' ñeñt' cohuen entuenet añ derechos ñamet; ñeñt'pa' allohuenacpuet e' ñeñt' cohueno'tsa'yenet.

Ñama yeñoteñ ñerra'm po' ñoch e' ñeñt' cohuen yetso'tuer e' ñe atet'yene' yeñoñ añ poctetsa o' ch yeñotatanna'ta añ derechos ñeñt' allohuenacpay allochñapa' e' ñeñt' cohueno'tsa'yeney.

Ñeñt' o'mar ñe'pa'

ASSAMBLEA GENERAL ñeñt'ara Naciones Unidas arrpa' orrtatenet

ORA ALLPON DERECHOS NENT ALLOHUENACPAY NENT'Y PA'NAMEY ACHENESHAY. Allochñapa' attoch allohuen chocmach yeyerpa'yena allohuen derechos ñeñt' aquellcareñtetsa arr. Ñama chocma yeychach po'potantañ attoch ñetpa'cho'ña e' ñeñt' cohuen añcha'na'tpo' entuenet ñamet añ derechos. Allochñapa' attoch ama't erracmañen arr patsro eñotueretcha' añ derechos ñama po' ñoch atet'cha' cohuen yemorrenñanna'tuerra. Ñeñt'pa' attepa'ch perra arr yepatsño ama't ñama ora erraparen po'potantañ anetso'mar arr patsro. Attepa'ch perra allohuen anetso'marnesha' ñeñt' orrtatene' Naciones Unidas ama't ñama po'potantañ ñeñt' yenpuenet ñet. Allpon derechos ñeñt' yechyen attoch e' ñeñt' cohuen yeycha'yena arr patsro ñeñt'pa' añechno:

Coñapñats 1.

Allohueney ñeñt'ey arromñatey atto ye'ñalletyesa arr patsro e' ñe attecma cohuen yesherb'a'yen. Ñama yechyen allpon derechos attoch e' ñeñt' cohueno'tsa'yeney arr patsro. Ñama allohuen attecma yechyen alloch yocñape' chyen cohuen ñama yeñotyen yeyochro ñeñt' e' ñe pocte' enten acheneshay' ñama ñeñt' ama pocteye' enteneto. Yeñoteñ añ poctetsa e' ñe yemo'nasheñ yepannena ama't ora allohuen allpon acheneshay' ñeñt' añe patsro'tsa'yeney.

Coñapñats 2.

Ora allohuen allpon acheneshay' ñeñt' añe patsro'tsa'yen, attecma echyenet añ derechos attoch e' ñe cohuen yecha'yenet arr patsro. Allohuenet attecma echyenet añ derechos ama't erra'tsente' po'mreñtsoret penet, ñama ama't erroñena orrtetenet, ama't quelluareret ama't ñama ñeñt' huallama'tareret, ama't coyaneshohuenet attecma echenet añ derechos. Ñama ama't erra'tsente' ñeñt' po'yomporer penet ñama ama't erra'tsen coñape'chyenet ñeñt' cohuen entyenet po' gobiernocop ama't po' poñ poñapñar e' ñe attecma echenet añ derechos ñeñt' allohuenacpay ñeñt'ey arromñatey arr patsro.

Ama't ñeñt' huocchañetets arr patsro, ñeñt' ama es echyetso arr patsro ñeñt' ama esoye' enteneto, ñetpa'cho'ña e' ñe attecma echenet añ derechos ñeñt' allohuenacpay ñeñt'ey arromñatey. Ñama attecma echenet añ derechos ama't

erra' tsena anets all yecha' yenet ñāma ama' t erroṭen po' gobierno echenet all pa' netsro. Ama' t po' gobierno aṁcha' noḥtana' tanetañ amapa' e' ñe cohueno' tsa' yenet e' ñe atṭecma echenet añ derechos ñeñt' allohuenacpay ñeñtey arromñatey arr patsro.

Coṭapñats 3.

Allohueney yechen derecho o' ch yocrrena arr patsro amach eñalle ñeñtcha' aṁcha' noḥtana' tenaya. Elloña eñall ñeñtcha' yemoñenaya.

Coṭapñats 4.

Ama' t puesheñarra acheney amach ataruasatareṭeye e' ñe atṭa. Amuepa' ch pomueñeto achen ñeñtcha' taruasatenet e' ñe atṭa, ama' t erroṭena.

Coṭapñats 5.

Ama' t puesheñarra amuepa' ch amuerochtatareṭteno ene atṭa, amach atserrpareṭteneto atēñ ñerra' mraṭe' berr atserrpenet.

Coṭapñats 6.

Ora allpon leyes ñeñt' anareṭe' tyetsa allohuen acheneneshacop ñeñtpa' ñeñtcha' a' poctatyenahuet ama' t puesheña' ttset ñerra' m esempo echyenet problema.

Coṭapñats 7.

Amach eñalle achen ñeñtecop ama sherbeno añ leyes ñeñt' atēñ anareṭ. Atṭecmach yenpuenana ama' t allohuen achenenasha', amach eñalle achen ñeñt' ama amorrentareṭeyaye. Ñāma añ derechos ñeñt' aquellcareṭ arr, ñeñtpa' cho' ña atṭecmach allohuenacop ñeñtcha' moñenaya ama' t erra' tsena achenēr ñerra' m esempo eñall ñeñtcha' puerratampsahuetañ añ derechos.

Coṭapñats 8.

Ñāma ñerra' m esempo esesha' pa' mueneneñ o' ch puerrataṁpsan achenenasha' añ derechos ñetpa' e' ñe pocte o' ch e' nenet autoridades ñeñtcha' a' poctaterrahuet ñeñt' atēñ anareṭ po' leyes ñāma po' constitución.

Coṭapñats 9.

Amuepa' ch arrmatareṭteno achen e' ñe atṭa. Amuepa' ch yottaṁpesyeneto achen e' ñe atṭa. Amuepa' ch mueño' teneto achen bachayo allcha' muerochtēna.

Coṭapñats 10.

Ñāma allohuen achenenasha' ama' t esesha' ñerra' m esempo otteñe' chareṭtēna ñapa' echenancha' derecho o' ch a' poctater ñoñets e' ñe cohuen juezesho. Juezpa' e' ñech cohuen o' ch eñoch ñerra' m po' ñoch atēñ o' pohua. Amach e' ñe atṭa atserrpeñeto. Ñāma ñeñt' otteñe' chareṭtētsa juezpa' o' ch eñotach ñeñt' derechos echen ñāma ñeñt' po' deberes. Amach es a' nahua o' pateñeto ama' t puesheñarra achen.

Coṭapñats 11.

Ñāma ama' t esesha' ñeñt' otteñe' chareṭtētsa allo' tsen autoridades, amuepa' ch ahuen otatsteto autoridades añ achen po' ñoch atēñ o' pohua. Añcha' ñanom e' mñochetepa' ñeñtcha' yenpuene' ñeñt' otteñe' chareṭtētsa. E' ñech cohuen acoṭa eñochet po' ñochte' atēñ o' pohua. Ñeñtpa' atēñtcha' penet allo' tsa' yen shonte' achenenasha', amuepa' ch a' nahua o' pateñeto.

Ñāma añecpuepa' ch coñchachet achen ñeñt' atpare' tene' ñoñets ñeñt' atēñ anareṭ e' ñe allempo. Ñāma ñeñt' atēñ anareṭ ñeñtcha' atēñ coñchachet achen ñerra' m atpare' chet añ ñoñets ñeñt' atēñ anareṭ ñeñtach coñchachet allempo. Amuepa' chña añe' na coñchatēñeto achen ñeñt' ahuatoñeñ atēñ petsa allempo ama eñalle ley ñeñt' otets atēñtcha' sepa. Ñāma añach coñchatenēt ñeñt' atpare' tene ley e' ñe atēñ anareṭ. Amachña añe' na coñchateneto aton ñeñt' ama atṭeye' anareṭtēna allempo atpare' tena.

Coṭapñats 12.

Ñāma ñeñt' e' ñe yocpa atēñ ñerra' m yepaquell ñāma yamo' tsesha' ñeñt' parro yeychena ñāma allohuen ñeñt' yechen ñeñtpa' e' ñe yocpa. Po' potantañpa ama pocteyaye o' ch be' toset attoch o' patapretenyet ñeñt' e' ñe yo. Ñāma amach asasaretṭpahuoyayye, ñāma amach asochatse' ṭpahuoyayye. Ñāma allohuen ñeñt' asasareṭtētsa e' ñe atṭa ñāma ñeñt' asochatse' tareṭtētsa e' ñe atṭa, ñetpa' echenet derecho o' ch moñenanet añ ley ñeñt' atēñ anareṭ.

Coṭapñats 13.

Ñāma allohuen achenenasha' echenet derecho o' ch chope' chyeset ama' t erra sechyenet allohuanen puen Estado alí yechenet.

Ñāma echenet derecho ñerra' m monenet o' ch salerret ama' t erra' tsena Estadot' ama' t ñerra' m muenenet o' ch salerret ama' t ñet pue' stadoṭpa e' ñe pocte'. Ñāma echenet derecho o' ch chacherret pue' stado ñerra' m esempo monenet.

Coṭapñats 14.

Ñāma ñerra' m esempo amuerochtatareṭta ama' t puesheñarra e' ñe atṭa poctāpño' maret ñetpa' echenet derecho o' ch yeterret, ahuerret po' poñ anetso allcha' agapareṭterret e' ñe cohuen.

Ĥarraña ñerra'm acoñchatareĥtet tãrro'mar o' muetset acheñ amapa' aĥpare'tet po'poñ leyes amapa' añ derechos ñeñt'nen Naciones Unidas ñerra'm ñeñtecop acoñchatareĥtet amach agapareĥteto po'poñ anetso.

Cotãpñats 15.

Ñama allohuen acheñenesha' echenet derecho ñeñtcha' pa'netser penet.

Ñama amach errotenot'puerratañpseto acheñ po'derecho atto pa'netser penet. Ĥarraña ñerra'm esesha' mone' o'ch yecha'huerret po'poñ anetsro ñeñtcha'pa'netser perr allempoñeñ ñeñtpa' e'ñe pocte' ñeñtpa' po'derecho.

Cotãpñats 16.

Ñama allohuen acheñ ñeñt' po'nare' ñerra'm muenen o'ch sena'ta ñama coyanesha' ñerra'm muenen o'ch some'ta, ñeñtpa' e'ñe pocte' ñeñtpa' po'derecho. Pocte' o'ch yoranna'tet attoch chemere'tet. Ama't esesha' muenats e'ñe pocte ama't erra'tsenĥe' po'mreñtsoret penet, ama't erra'tsenĥe' ñeñt' pa'netser penet, ama't erra'tsenĥe' po'yomporer penet. Ñama coyanesha' attecma echenan derechos ñeñt' echen yacmanesha' ñerra'm esempo o'ch some'ta. Ñama allponmat yoranna'tet coyanesha'pa' ñeñtecma derechos echen ñama ñerra'm sannerretpa' coyanesha'pa' attecma echenan derechos.

Tarraña ñerra'm esesha' ama muenenaye o'ch yoran po'psheñeñ ñeñtcha' puerrollar pa' amapa yacma ama mueno ñeñtcha' puetãpor pa', pamo'mte'pa' amach errotenot'apano po'psheñeñ yacma e'ñe ña po'huamencot'ñerra'm coyanesha' ama muenene.

Ñama ñeñt' yechetsa parro pa'pacillo ñeñt' pamo'tsna'tar ñannena ñeñtpa' e'ñe pocte' atet yeychen arr patsro. Neñto'mar ñeñtpa' gobiernocop o'ch cohuampen an allohuen familias ñeñt' parro yecha'yenet.

Cotãpñats 17.

Ñama allohuen acheñenesha' echenet derecho o'patetepa' ñeñt' e'ñe ñocmuet, atet'ñerra'm pa'paquell, po'patsen, payara. Ñama e'ñe pocte' o'ch o'pataprecha po'potantañ ñeñt' parrocm a taruasa'yenet.

Ñama ama aprratañpeshahuoyaye e'ñe atãa ñeñt' yo'patena ya atet'ñerra'm yepaquell, yepatsen, yayara.

Cotãpñats 18.

Ñama allohuen acheñenesha' ama't erra'tsena acheñer echenet derecho o'ch cotãpe'chyenet ñeñt' e'ñe cohuen entenet ñet pueyochreto. Ñama allohuen acheñpa' echenet derecho o'ch po'yomporer peñet ñeñt' e'ñe cohuen entenet ñet. Ñama ñerra'm esempo muenenet o'ch po'poñet po'yompor-ret, ñeñtpa'cho'ña e'ñe ñocpuet po'derecho. Ñama e'ñe pocte' o'ch apcha'yenet epuet po'potantañ ñeñt' parrocm a me'ñenet. Ñama e'ñe pocte' o'ch yechatyesan po'potantañ ñeñt' muenene' o'ch eñoteret ñamet. E'ñe pocte' o'ch etsoteñet ora attoch sherbeñet po'yompor-ret.

Cotãpñats 19.

Ñama allohuen acheñenesha' ama't erra'tsena acheñer echenet derecho o'ch serrpare'tatanna'tyeset ñeñt' atet cotãpe'chyenet ñet ñeñt' cohuen entyenet ñet. Amach e'moñe'tareĥeye atto yapa yocĥen añ derecho. Ñama e'ñe pocte' o'ch e'nyenet attoch eñoteret erra'tsenĥe' cotãpñatser ñeñt' cohuen entyenet ñet. E'ñe pocte' o'ch agapyenet añ cotãpñatser pueychateña, ñama e'ñe pocte' o'ch eñotachet po'potantañ ñeñt' atet'pena añ cotãpñats. Ama't errotenot' eñotachet po'potantañ acheñ, ñeñtpa' e'ñe pocte' ama't po'quellcot'ama't radiot ma't errotenota. E'ñe pocte' o'ch chapatyeset ñeñt' cotãpñats po'poñ anetso'mar.

Cotãpñats 20.

Ñama allohuen acheñenesha' echenet derecho o'ch apcha'yenet ora allohuen ñeñt' parrocm a me'ñenet ñerra'm e'ñe cohuen mueche't'serrpare'tanna'tyenet añ poctãpñet.

Ñerra'm esesha' ama muenenaye o'ch cotãpe'chet e'ñe parrocm a po'potantañ poctãpñet, ama pocteyaye ñerra'm po'potantañ po'huamencotẽtpa' o'ch ame'ñatateñet ñeñt' ñet poctãpña.

Cotãpñats 21.

Ñama allohuen acheñenesha' ama't erra'tsena acheñer echenet derecho o'ch cotãpe'chatyeset ñeñl pa'mcha'tareĥerneshet. Ñama allohuen acheñenesha' ama't erra'tsena acheñer echenet derecho o'ch votet añecop ñeñtcha' sherbats gobiernocop.

Ñama allohuen acheñenesha' ama't erra'tsena acheñer ñeñt' muenene o'ch taruasapretan gobierno allohuenet e'ñe attecma echyenet derecho.

Ñama erra'tsenĥe' cotãpñatser ñeñt' cohuen enten acheñenesha' ñerra'm shonte' acheñ ñeñt' atet'muenenet, atẽcha' perra po'gobierno. Ñama attoch eñochet este' po'ñoçh muenen allohuen acheñenesha' eñalletepa'ch elecciones ama't errotenota; allcha' vota'yenet añecop ñeñt' e'ñe cohuen entyenet ñet. Ñama ñeñtpa' e'ñeçh a'nahua vota'yenet attoch po'potantañpa' amach errotenot'po'huamencotẽye' votatenaneto ñeñt' atet'muenenet ñet. Ñama allohuen acheñenesha' e'ñe pocte' vota'yaset añecop ñeñt' cohuen entyenet ñet.

Cotãpñats 22.

Allohuen acheñenesha' ama't erra'tsena acheñer echenet derecho o'ch agapueñet seguridad social ñeñt' atet'yenpuenanet po'gobierno ñerra'm esempo machayotã es pasahuet. Allochñapa' attoch amach tama penca'yeneto, e'ñeçh attera cohuen orrtatyenet. Ñehua, ama't erra'tsena anetser a'poctatenan pa'cheñeneshar añ derechos ñeñt' otenet seguridad sociales.

Cotãpñats 23.

Ñāma allohuen acheñenesha' ama't erra'tsena acheñer echenet derecho o'ch taruasa' yeset at̃och gana' yeset quelle. Ñāma e'ñe pocte' erra'tsentē' taruas muenenet allcha' ña taruasa'yenet. Ñāma ñeñt̃ taruasatenahuet e'ñepa'ch cohuen apa'yesanet allcha' taruasatyesanet. Ñāma amuepa'ch huañapeseto po'taruaset at̃och amach pallteneto quelle.

Ñāma allohuen ñeñt̃ at̃ecma taruasa yetset allponeshacmuetepa'ch gana'yenet quelle. Arepa'ch eñalle ñeñt̃ ama amorrentareteyaye.

Ñāma allohuen ñeñt̃ taruaset atsa'tatareñtetepa'ch allpon ñeñt̃ poctetsa allochñapa' at̃och cohuen yecha'yenet pamo'tseshohuen amach tama penca'yeneto puepallt̃eñotet. Ñerra'm allpon gana'yenet ama alcanseno at̃och yora'yeset ñeñt̃ allpon pallta'yenet eñalletepa'ch seguridad social ñeñt̃cha' yenpa'yenahuet.

Ñāma allohuen ama't erra'tsena acheñer echenet derecho o'ch parrocmatet epuet sindicato ñeñt̃cha' moñenahuet ñeñt̃ e'ñe ñocpueta all taruasa'yenet.

Coñapñats 24.

Ñāma allohuen ama't erra'tsena acheñer echyenet derecho o'ch amesa'yenet allpon horas ñāma allpon yeñ. Amach ellapenete'te arepenete'te taruasatset. Ñāma amesyesetepa'ch allponmat ñeñt̃ vacación, atsa'tatareñtetepa'ch ama't allponmat echenet vacación.

Coñapñats 25.

Ñāma allohuen ama't erra'tsena acheñer echyenet derecho o'ch echyenet allpon at̃och yecha'yenet cohuen arr patsro ama't pamo'tseshohuen at̃och yora'yenet puerrar, pa'shtam, pa'paquell̃et ñāma at̃och partatyenet ñāma at̃och yenpa'yenanet po'potantañ pamo'tseshachno. Ñāma ñerra'm palltapesyenet po'taruaset alloch gana'yenet quelle echyenet derecho o'ch ayenpareñtet. Amapa' ñerra'm at̃sna'tyenat at̃och ama taruaseneto allponmat echyenet derecho o'ch ayenpareñtet. Amapa' ñerra'm machayota at̃serrpenet, amapa' ñerra'm rreñorrñanesha' amapa' ñerra'm po'nme'ten amapa ñerra'm esempo es huapoya echyenet derecho o'ch ayenpareñtet.

Ñāma allohuen ñeñt̃ achoyoreshai ñāma allohuen cheshaneshachno ñetpa' echyenet derecho o'ch acuam̃psareñtyenet ama't ñeñt̃ ellopñanesha' ñamet.

Coñapñats 26.

Ñāma allohuen ama't erra'tsena acheñer echyenan derecho o'ch estudia'yeset escuela. Ñāma at̃och estudia'yeset escuela amach cobraneto ñeñt̃ Primariacop. Allohuen cheshaneshā' atet anaret ñocpuet chocma estudienet Primaria, ñeñt̃ obligatoria. Ñāma eñalletepa' escuelas allcha' estudia'yenet ñeñt̃cha' po'taruas penet ñāma eñalletepa' escuelas allcha' estudia'yenet estudios mas avanzados ama't añecop ñeñt̃ atarr ñorretsa ñeñt̃ atarr es eñotets.

Ñāma añecop sherben at̃o yechateñet cheshaneshā' at̃ochcha' eñotyenet ñeñt̃ atarr sherbets arr patsro at̃och e'ñech cohuen eñotatyenat po'potantañ acheñenesha'. Allochñapa' at̃ochcha' amach muena'yeneto o'ch puerratam̃psanet po'potantañ po'derechos at̃och muerochtatanet. Cohuencha' yeñotatanna'tyena ama't pa'namen acheñeneshay. Cohuencha' ya'huanten po'potantañ ñeñt̃ po'poñ cotāpe'chyenet ñet. Ñāma chocmuepa'ch yamo'ts yepanna'tyena ama't pa'namen anetsochno all yeycha'yena, ama't pa'namen mereñtsorechno ñeñt̃ parro ye ñalletyesa, ama't pa'namen yeyomporer yepa'yen. Añecop yeychach cheshaneshā' cohuen at̃och e'ñech cohuen torra'yerret ñamet añecop ñeñt̃ cohuen enten Naciones Unidas allochñapa' at̃och allohueney e'ñech cohuen mueche't yeycha'yena arr patsro.

Ñeñt̃ chesha' ñeñt̃ ama po'nenā' pamo'mtepa' echenan derecho o'ch mueñanet erra'tsentē', escuela ñeñt̃ cohuen enten pamo'mte.

Coñapñats 27.

Ñāma allohuen ama't erra'tsena acheñer echyenan derecho o'ch tōrra'yenet ñeñt̃ atet yecha'yenet ñet, ñeñt̃ cohuen entyenet ñet. ñāma e'ñe pocte' o'ch cosha'yenet po'taruas ñeñt̃ cochñesha' entyenet ñet. Ñāma ñeñt̃ eñotyenet ñeñt̃ atarr sherbets alloch progresā'yenet científico'marecop, ñeñt̃pa' ñeñt̃cha' yenpuenahuet alloch ello atarr cohuen yecha'yenet arr patsro.

Ñāma ñerra'm esesha' yechcatene' ñeñt̃ atarr sherbets allohuenacop atet ñerra'm ñeñt̃ científico'marecop amapa'ñerra'm libro ñeñt̃ quellquēnet allohuenacpuet amapa'erra'tsen po'taruas ñeñt̃ atarr sherbets allohuenacop, ñapa'echenan derecho at̃och ganena quelle po'taruasot ñāma echenan derecho at̃och coshapreteñet po'taruas, amuepa'ch aprratam̃psareñtena po'derecho.

Coñapñats 28.

Ñāma ora allpon derechos ñeñt̃ aquellcāret̃arr, allohuen ama't erra'tsena acheñer echenet derecho o'ch e'ñe atet perret. Ñeñt̃ mar añ poctetsa patē'tets anetso orrtatyesetepa' pa'namen cohuen proyectos at̃och acheñenesha'pa' enterret ora allpon po'derechos.

Coñapñats 29.

Ñāma allohuen ama't erra'tsena acheñer echenan po'deberes po'potantañecop ñeñt̃ara pamo'tsesha' ñeñt̃ parro yechenet pa'netsro. Ñeñt̃ deberespa' ñeñt̃pa' atfo e'ñe cohuen yeyenpannena. Ñerra'm atet yeperra e ne all yamo'tsesheshopa' e'ñech cohuen yeychen at̃och yetsotuerr ñeñt̃ e'ñe cohuen puesheña'ttsocpay.

Ama't yechyeneñ shonte' pa'namen derechos ñeñt̃cha' yorrtatyen, ñarraña amach añā yorrtatatsto ñeñt̃ at̃o erroñuanen yepē po'pshēñē. ñarro'mar ñeñt̃pa' ama apapahuoyaye ñeñt̃ atet otēney ley ñeñt̃ anaret. ñarro'mar ñerra'm erroñuanen yepē po'pshēñēpa' at̃oña yeprratam̃peñ ña po'derechos. ñarraña ñerra'm e'ñe cohuen yeyenpannena ñāma e'ñe mueche't yeychena, ñeñt̃pa' ñeñt̃a poctetsa. Ñeñt̃pa' chocmach yorrtaten ñerra'm yechen gobierno democrática all amcha'tareñtapreteñet allohuen acheñenesha'.

Ñāma ama't shonte' pa'namen derechos yechyen ñeñt̃ anaret̃arr, yapa' amach yorrtatatsto añ derechos añecop ñeñt̃ ama

pocteye’ enteñe Naciones Unidas. Añcha’ña yorrtaten ñeñt~ cohuen enten Naciones Unidas.

Coñapñats 30.

Ora allpon derechos ñeñt~ aquellcaret~arr, ama’t patrra derecho amach ahupore ’tpahuoyaye ama’t erroñena.